



Godina XII - Broj 10

ZENICA, Ponedjeljak, 18.06.2007.

VLADA**Član 4.****103.**

Na osnovu člana 16. stav 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05 i 4/06) i člana 132. stav 1. tačka b) Zakona o policijskim službenicima Zeničko-dobojskog kantona ("Službene novine Zeničko-dobojskog kantona" broj 8/06), Vlada Zeničko-dobojskog kantona, na 11. sjednici, održanoj 09.05.2007. godine, d o n o s i

U R E D B U
O TEKSTU I NAČINU POLAGANJA
ZAKLETVE POLICIJSKIH SLUŽBENIKA
ZENIČKO-DOBOJSKOG KANTONA

Član 1.

Ovom uredbom propisuje se tekst zakletve i uređuje način polaganja zakletve policijskih službenika Zeničko-dobojskog kantona zaposlenih u Ministarstvu unutrašnjih poslova Zeničko-dobojskog kantona (u daljem tekstu: Ministarstvo).

Član 2.

(1) Tekst zakletve glasi:

"Svečano izjavljujem da ću se u svom radu pridržavati Ustava i zakona Bosne i Hercegovine, Federacije Bosne i Hercegovine i Zeničko-dobojskog kantona, da ću dužnost i obaveze policijskog službenika vršiti savjesno i odgovorno, da ću svim svojim snagama štiti prava, slobode i sigurnost svih građana i da ću poslove i zadatke policijskog službenika odgovorno izvršavati i u slučajevima kada izvršavanje tih poslova i zadataka dovodi u opasnost moj život. Ja sam policijski službenik Zeničko-dobojskog kantona."

(2) Izjava o polaganju zakletve propisana je na "Obrascu broj 1" koji je sastavni dio ove uredbe.

Član 3.

Policijski službenik polaže zakletvu prije početka rada na policijskim poslovima, odnosno stupanja na dužnost policajca ili mlađeg inspektora.

(1) Polaganje zakletve se obavlja na svečanoj ceremoniji po prethodno utvrđenom protokolu pred ministrom i policijskim komesarom Ministarstva.

(2) Protokol, vrijeme i mjesto polaganja zakletve utvrđuje ministar Ministarstva na prijedlog policijskog komesara.

Član 5.

(1) Na svečanoj ceremoniji iz člana 4. stav (1) ove uredbe, zastava i grb Bosne i Hercegovine, Federacije Bosne i Hercegovine i Zeničko-dobojskog kantona postavljeni su na vidno centralno mjesto.

(2) Na početku ceremonije polaganja zakletve intonira se himna Bosne i Hercegovine.

Član 6.

Policijski službenici polažu zakletvu obavezno stojeći u stavu "MIRNO".

Član 7.

Izuzetno od odredbi člana 4. ove uredbe, polaganje zakletve može se obaviti i na drugi način za pojedinca ili manju grupu policijskih službenika u slučaju prelaska na rad u Ministarstvo iz drugog policijskog organa o čemu odlučuje ministar Ministarstva na prijedlog policijskog komesara.

Član 8.

(1) Nakon polaganja zakletve policijski službenik potpisuje Izjavu o polaganju zakletve.

(2) Jedan primjerak izjave iz stava (1) ovog člana uručuje se policijskom službeniku a drugi primjerak se ulaže u personalni dosije policijskog službenika.

Član 9.

Svečana izjava policijskog službenika data u skladu sa odredbama člana 40. Zakona o unutrašnjim poslovima Zeničko-dobojskog kantona – prečišćen tekst ("Službene novine Zeničko-dobojskog kantona", broj 15/04 i 11/05)

smatra se zakletvom položenom prema odredbama ove uredbe.

Član 10.

Ova uredba stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 02-04-11825/07.
Datum, 09.05.2007. godine
Zenica

PREMIJER

Miralem Galijašević, s.r.

Obrazac broj 1.

IZJAVA o polaganju zakletve

"Ja _____ svečano izjavljujem da ću se u svom radu pridržavati Ustava i zakona Bosne i Hercegovine, Federacije Bosne i Hercegovine i Zeničko-dobojskog kantona, da ću dužnost i obaveze policijskog službenika vršiti savjesno i odgovorno, da ću svim svojim snagama štititi prava, slobode i sigurnost svih građana i da ću poslove i zadatke policijskog službenika odgovorno izvršavati i u slučajevima kada izvršavanje tih poslova i zadataka dovodi u opasnost moj život. Ja sam policijski službenik Zeničko-dobojskog kantona."

(mjesto i datum)

(policijski službenik)

104.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), a u vezi sa članom 40. stav 2. Zakona o državnoj službi u Federaciji Bosne i Hercegovine («Službene novine Federacije Bosne i Hercegovine», broj: 29/03, 23/04, 39/04, 54/04, 67/05 i 8/06), Vlada Zeničko-dobojskog kantona, na 11. sjednici, održanoj 09.05.2007. godine, d o n o s i

O D L U K U

o izmjenama i dopunama Odluke o utvrđivanju procenta povećanja plaće državnih službenika po osnovu rezultata rada u toku kalendarske 2007. godine

I

U tački I stav prvi alineja četvrta Odluke o utvrđivanju procenta povećanja plaće državnih službenika po osnovu rezultata rada u toku kalendarske 2007. godine ("Službene novine Zeničko-dobojskog kantona", broj: 3/07) briše se.

II

Iza tačke I dodaju se nove tačke Ia, Ib i Ic koje glase:

"Ia

Državnom službeniku zaposlenom u kantonalnom organu državne službe, koji je u posljednje dvije uzastopne godine za svoj rad i rezultate rada ocijenjen različitim ocjenama, pripada pravo na mjesečno povećanje njegove plaće u toku